



國家清史編纂委員會·文獻叢刊

清代詩文集彙編

國家清史編纂委員會·文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五九九

敦教堂詩鈔六卷敦教堂詩鈔續刻二卷 官文撰

一

對影閒吟草十二卷 袁寶善等撰

九七

伊園文鈔四卷伊園詩鈔三卷 王景賢撰

三三一

誦清閣集四卷首一卷 石景芬撰

三九七

思無邪室吟草三卷 毛永椿撰

五六三

謝亭集七卷（蓮絜詩翰釋文一卷蓮絜詩存二卷蓮絜續集

二卷南征日記一卷篋外錄一卷） 謝 翰撰

五九七

蹄泔集五卷（詩鈔四卷文鈔一卷） 俞 鈺撰

六六九

同治二年新鐫

敦教堂詩鈔

敦教堂詩鈔

自敘

憶余自少讀書及長從政要皆羈棲家衡株守
都門不脫十丈之塵未經三里之路泊乎辛丑
歲暮恭膺

簡命

出鎮粵東縮此新符飄然遠宦無如車塵馬跡
悲古道之蒼涼潮信風番驚長江之白浪方經
兩魯又歷三吳水陸交馳艱勞備至又况蠻煙
瘴雨會無一定之天鑿齒雕題畧無可通之語

敦教堂詩鈔

自敘

一

雖曰雲山目飽碗礪胸消斯亦宦海中之風流
孽障也顧迢迢驛路僕僕風塵絕無意外之歡
偏得苦中之趣或旁推畫理或廣拾詩材其中
古剎名山人文物美流風善政土俗民情凡可
搜羅都歸默識乃於丁簾月上旬閣風清綠竹
依人紅蕉作友公餘之暇筆墨為緣語畫言形
窮神管理追將舊感譜就新詞名曰竹枝聊存
彷彿閒有唱和題咏以及悼亡諸作不過消愁

遣興觸景生情類畫虎之無成歎魯魚之莫辨
 知不免大方見笑覆瓿貽譏矣夫余武人也身
 披介冑隊列鏖矛雖筆札從軍亦謂阿蒙當習
 而詩歌雅事原非絳灌應知然而情根乎性性
 本於心心有所動隨所至而言宣矣情之所通
 有所感而詞見矣惟是枯三十年未枯之禿管
 何處生花記萬餘里未記之實文纔編幾葉少
 助遊人之興藉傳景物之奇是或有之吾滋愧
 散教堂詩鈔 自敘 二

也若謂概論天地之大潛通造化之靈言恐未
 當非余敢知茲集若干姑存此語或以為駱駝
 有疥擲不欲觀或以為鸚鵡能言猶堪動聽信
 耶疑耶請置之勿論可耳 肯

道光丙午孟秋月上浣遼陽官文秀峯氏記

散教堂詩鈔卷一

目錄

嘆長途

遊虎邱山

遊西湖

題西湖五律二首

其二

由錢塘江至七里瀧過嚴子陵釣魚臺

散教堂詩鈔 卷一 目錄

江山船

豫章旅次

北蘭寺

又

又

歎內人醫治無功

盼望病勢回春

悼亡

題像

丙午新正差僕送內人靈柩旋都於四月

歸葬園林接閱家報有感詩以弔之

十八灘

粵中懷古

白雲山

謁鄭仙翁祠

蒲澗寺晚眺

敦教堂詩鈔 卷一 目錄

介春制軍石刻大殊壽字

中丞署花園

繡毬梅

和劉伯裕孝廉題小照

其二

答謝劉伯裕

春雨

夏日連雨

題六榕寺花塔

送柏雨田之敘州

再贈雨田

賦得珊瑚碧樹交枝柯

前題

久雨

敦教堂詩鈔 卷一 目錄

三

散教堂詩鈔卷一

遼陽官文秀峯甫著

受業吉爾哈春校刊

嘆長途

明月滿長空行人感慨中悠悠千里路蕩蕩五
更風饑渴時全忍焦勞與已窮但能早投宿便
是阿家翁

遊虎邱山

在蘇州門外五里

散教堂詩鈔

卷一

一

繁勝屬蘇州閑行過虎邱柳絲垂渡口山色上
樓頭傍岸結燈火鄰家醉酒籌真娘名未泯遊
子放蘭舟

遊西湖

在杭州錢塘等門外偏省城西北角

四顧蒼茫萬頃通西湖勝景望無窮晴暉天竺
山含黛夕照雷峯塔映紅柳浪歌聲鶯婉轉蘇
堤春色露玲瓏泛舟戴月歸來晚疑是身遊寶
鑑中

題西湖五律二首

湧金門外景湖水碧溶溶曲苑荷聲靜三潭月
色濃漁舟歌暮靄柳岸繪秋容白傅詩誰敵懷
人欲躡踪

其二

扁舟初繫岸遙上最高峯西泠橋邊水南屏寺
裏鐘澄波雲縹影遊屐雨西蹤乘興尋僧話煙
霞第幾重

散教堂詩集

卷一

二

由錢塘江至七里瀧過嚴子陵釣魚臺

府境內

西湖覽罷過杭州始信錢塘綠似油萬樹蒼松
依古澗幾羣白鷺宿沙洲畫圖吳越真山水景
物東南歷夏秋尋得釣臺將共隱先生應伴富
春遊

江山船

由錢塘江至常山往來皆乘此船又名頭亭船

生來阿妹住錢塘船是生涯水是鄉看月幸邀

新客醉臨流閒照晚時粧幾聲款乃方停樂一曲琵琶已佐觴夜靜酒闌春意倦故將愁態惹人腸

豫章旅次

乙已由京旋粵途經豫章內人患瘡暫舍於北蘭寺中督理藥湯萬種焦灼日不安席又因沿途纏綿限期近迫遙望珠江咫尺兼追宦跡艱難憶往傷今無

敬教堂詩鈔

卷一

三

可遣懷故任筆誌三十二韻劣不成文只消積塊焉耳 自序

乙巳秋八月途經古豫章一帆風尚順萬里路偏長內子發瘟瘡侍兒理藥湯熱寒連次弄氣血屢曾傷寂寂閒停樂懣懣病臥牀脈延醫士謝所延醫巫禱賈人商木行商姓不愛平時物生謝姓只尋下世粧吉祥原可備檢看亦何妨泊近仙人館居攀帝子牆即滕王閣馬頭艇中心燥火寺內體

清涼移居北蘭寺中退舍原非敗回頭行五里棲身敢

自強伽藍伸護佑大士保安康外表雖然解中

邪仍是狂道門經早懺佛地願須償似覺生機

可唯思上路忙珠江天外迴庾嶺面前昂盼有

騰雲翼應祈濟世方金蘭多助力藩撫幸榮光

游子天涯夢征夫湖海腸不因貪富貴何必棄

家鄉帶月臨朝露迎風宿夕陽飯嫌新賦米衣

用舊時裳行坐皆拘束公私盡塞搪屈心察土

敬教堂詩鈔

卷一

四

俗舉首怕天堂咸謂榮麾鉞誰知苦宦場有情憐草木無義怪蠻荒節候難分楚人心不可量山川真險阻鳥獸異尋常男女衣皆黑汪洋水是黃樓堆番鬼貨門供土神香雖有昌黎化曷忘越武剛幸教民富庶方保慶無疆

北蘭寺在江西省城德勝門外臨江

豫章郡北大江東仙館遺踪建梵宮地乃古滕王閣故址門映晴雲江水白山連野樹晚燈紅天邊霽雨

飛孤鶩浦口歸漁落短篷古寺前緣畱信宿閒
來聽法月明中

又

寺對江流水接天道心清淨寂叅禪雲飛錫杖
成空相花墜優曇亂講筵通徹如來傳貝葉慈
悲大士湧金蓮祇因多少菩提樹盡到人閒了
宿緣

又

散教堂詩鈔

卷一

五

愛看西山不坐禪緣村紅樹兩相連江通閩浙
長途路門泊鄱陽下水船淨土無生心自在慧
燈了悟月常圓北蘭寺內閒僧舍空負清幽幾
日眠

歎內人醫治無功

蘆葦蕭蕭居暮秋征夫悶對大江愁船緣風急
帆難挂人覺神昏病莫瘳半榻藥煙紫座外連
朝符印鎖心頭靈山橋井全無效再向人閒何

處求

盼望病勢回春

病骨秋風抱恨長况當旅邸更恓惶籌邊如我
才終拙隨宦憐卿苦倍嘗正可白頭咏借老聊
將赤子盼餘芳果能粗順人閒意謝大慈悲叩
上蒼

悼亡

甘苦同心十八年持家慈惠孝稱賢誰期歧路
散教堂詩鈔

卷一

六

星光殞了卻人閒一段緣

蘆葦風殘江色秋關山晚渡夕陽愁淒涼隻鴈
回南粵猶望洪都淚不休

五更夢裏問寒溫隱約當時笑語繁可恨鷄聲
初喚醒倍增酸痛拭啼痕

冷雨淒風宿暮鴉燈前夢裏自吁嗟送卿急早
歸園寢三尺孤墳即是家

愁遍青山淚滿船無情無緒對荒煙蒼天既許

前緣重借老何妨到百年

人到深傷不自持別離生死尙狐疑淒清野寺
孤魂寂正是傷心滴淚時

江水滔滔玉露秋失羣孤鴈下汀洲連朝冷雨
淒風夜幾次悲鳴幾度愁

嶺南遠宦去家邦借至中途恨不雙老大况云
失內助退衙誰共話晴窗

欠二年纔五十春伶仃萬里少知親愚頑弱子
敢教堂詩鈔卷一 七

渾無識誰慰天涯浪跡人

歸來步入畫堂前猶似伊人午正眠忽見湘簾
斜挂起空悲鏡影不長圓

題像

倩寫形容面貌真一眉一目仿前身琴軒淪茗
花光艷欲對春風笑語親

流傳真跡后昆存一瓣心香細細温非只兒孫
長供奉將來亦可看兒孫

方知閬苑有前身暫謫人間五九春冉冉竟歸

雲路去脫然不肯戀紅塵
聊開生面寫真容品調仙姿自不同因憚人間

冠誥熱乘鸞仍避蕊珠宮
丙午新正差僕送內人靈樞旋都於四月

歸葬園林接閬家報有感詩以弔之
書傳素旆抵家鄉旣覺寬懷又自傷幸得平安

埋玉骨終慙執紼阻周行
敢教堂詩鈔卷一 八

寶鏡鸞釵各自分青楊樹下百年墳怨卿華表
歸何早鴈過悲鳴不忍聞

原續鸞膠情共深芳魂先後返園林遙知定省
泉臺下可慰 雙親一片心

同衾共穴憶前盟鳳折鸞分了此生遲到百年
終作合眼前情况太淒清

十八灘自萬公縣嶺州府皆灘河
君不見行路難萬安之下十八灘山泉激湍流

何急大石小石列星攢大石橫江凶且怒小石
暗隱水漫漫推船起柁多遲險每過急流心膽
寒君不見行路難深淺行來客不安

粵中懷古

尉佗霸氣黯然收山自青青水自流湖退低廻

三浪石雲飛斜挂五層樓三浪石海珠臺側水
中五層樓北門城上

赤崗塔影遙岑外黃浦船依古渡頭赤崗黃浦
近洋地名

往事空傳千載恨豈如今日瑞雲浮

敬教堂詩鈔卷一

九

白雲山在粵東省
城東北

天下名山能幾多粵中福地白雲嶺昔時煉氣

有神仙得道仙翁居此境白日飛昇鶴舒臺祥

雲猶護九龍井鶴舒臺九龍井俱
在白雲山之巔濃陰古木有

仙祠泉水潺潺花弄影晴望海明波萬頃月來

山色黛千重遠村清夜聞霜杵近寺黃昏聽晚

鐘羅浮來龍尋真跡迤連粵秀為去脈羅浮粵
秀山名

深山得道有仙人笑我浮生為過客

謁鄭仙翁祠

古寺半山在白雲山
之半山人踪石磴通泉流丹竈

水鶴嘯玉虛宮嶺外雲堆白龕前幔映紅粵南

多勝境靈佑鄭仙翁即秦鄭安
期仙也

蒲瀾寺晚眺在白雲
山之陽

白雲山上暮雲收蒲瀾泉聲澈夜流松下歸人

忙不草間逐影叶鉤駢江左呼鷓
鴒曰逐影空林晚照

晴偏好野寺殘鐘韻更幽天幸有緣登善地梵

敬教堂詩鈔卷一

十

脩何必覓羅浮

介春制軍石刻大硃壽字

嶙峋峭壁傍江橫落紙神飛筆自驚天許丹心

開壽域命將此字濟蒼生

中丞署花園

幽篁四面繞前後有池沼軒厥暑盡消蓮開香

不了魚驚樹影搖苔滑路行小靜坐思悄然獨

自聞啼鳥

繡毬梅

淡紅嫩綠綴成毬花色含芬映小樓更有一番
嬌豔態早經宿雨在枝頭

和劉伯裕孝廉題小照

伯裕廣東旗籍舉人直隸順德司鐸

凜遵 庭訓憶當時忠厚傳家強自持出自布
衣馳志馬曾經絳帳讀毛詩一生坦率胸無物
半世辛勤淚滿卮月旦請君休漫許辨材須待
七年期用白香山句

敦教堂詩鈔

卷一

十一

其二

人誇寫照逼真同僅少靈犀一點通色相魯愚
渾似我品題謬讚敢勞公心田實用方為妙詩
畫虛名漫許工唯有兩餐皆自得桃林牧馬莫
知戎

答謝劉伯裕

人生有預定契厚亦前因汝水匆匆會珠江刻
刻親只緣高古調不肯近囂塵司鐸辭官急班

衣舞綵新悠然方自得樂矣在其身課子唯書
史持家守義仁詩思擬入畫酒味釀加醅但是
心交者天涯若比鄰

春雨

春陰漠漠畫堂前未許芳菲鬥綺筵聽說商羊
時起舞啼來杜宇不成眠紅棉耐冷花偏萼綠
竹穿泥笋似椽幸借東南風力勁雲開霽景倍
鮮妍

敦教堂詩鈔

卷一

十一

夏日連雨

南浦新添漲東流沒故堤泊船依岸樹飛燕帶
巢泥漸漸傾蕉葉徐徐入菜畦堦前鋪翡翠窗
外瀉琉璃沾水葛衣重連山雲腳低幾家修戶
北何處壘牆西臥榻須防漏行途已亂迷晴光
微閃閃無奈又淒淒

題六榕寺花塔

在粵省花塔街

六榕寺內層層塔始自大梁開寶閣大梁所建玲瓏

二十七丈高超入碧落望六合寶炬時爭舍利
輝香煙靄靄沙門榻當時佛殿甚繁華鐘磬之
音遍地匝歲久古殿土埋碑風鈴墜落穩睡鴿
閑房只有乞人居福地不聞士女踏額雷東坡
居士題有蘇東坡題寫
六榕二字額日啓禪關惟老衲浮屠
古刹幾千年漸漸荒涼叢草雜

送柏雨田之敘州

陞任四川敘州府後官
至粵東中丞終於任

會溯南雄一葉清甘棠著意向春榮會任南
雄州珠

散教堂詩鈔

卷一

三

江握手輕言別遙聽戎州頌政聲

自古書傳蜀道難可將隻字寄平安莫因地遠

心同遠泛泛萍踪一樣看

蜀山蜀水夕陽灘宦跡天涯總一般但具本來

真面目名成直可敵蕭韓

再贈雨田

辦事無積案隨時到卽判良民萬戶安惡匪四
方竄傲氣澈雲霄清風比河漢輕財始耐貧有

智終爲翰黎首頌歌聲上官青眼看揮手別珠
江勉力登川岸不負經濟才自可禦強悍鵬飛
九萬里處處光彩煥

賦得珊瑚碧樹交枝柯

得歌字五言八韻
丙午秋聞典試題

倒蕤懸針勢岐陽古刻摩神疑同碧樹體竟並

朱柯玉蕊交相射珊瑚枝互不磨八分摹柳葉七

尺挂松蘿籊籊象龍鱗密奇珍鳥跡多闌干封蚪

印罨畫接珠波連理形全似縱橫字莫訛韓文

散教堂詩鈔

卷一

十四

揮藻麗石鼓發長歌

前題

石鼓昌黎曾有歌珊瑚碧樹交枝柯縱橫丹綠

成文字結撰琅玕作蚪蚪龍翥鳳翔堪並舞銀

鈎鐵畫任搜羅先於秦漢蟠根古玉質靈苗總

不磨

久雨

白雲出岫本無心任意從能作雨霖漸次西江

添漲水從龍應悔悞民深

敦教堂詩鈔

卷一

圭

敦教堂詩鈔

敦教堂詩鈔卷二

目錄

端溪石硯

山居樂事

粵中紀勝

和李湘生孝廉原韻

和湘生次作

闕何氏老人夫婦畫像謹題四律

敦教堂詩鈔

卷二

目錄

一

答劉伯裕原韻

燕塘野望

嶺下尋梅

南村問竹

倚雲仙館

雲泉山館

燕塘墟市

行營演戲

一一

題劉香堦檢書燒燭短看劍引盃長小照

春日讌牡丹

承天寺懷古

章華春霽

紀山煙寺

八嶺松雲

三湖釣雪

龍山秋眺

散教堂詩鈔 卷二目錄

虎渡晴帆

江津晚泊

玉壺荷香

送廖濟川元戎乞假旋都

和劉伯裕孝廉由粵東寄什原韻

春日

繡毬花

答陳韻湘原韻

題友人出川峽

戊申六月二日岷水傾峽荆江瀑漲長歌

過龍山寺

憶友人重陽登高卽事

重陽登高有阻

送裕芸臺元戎赴川

答陳琴希什卽步原韻

梨夢

散教堂詩鈔 卷二目錄

梅魂

松髯

菊影

和劉伯裕自德安府寄望孤山原韻

和劉伯裕過鄱陽湖原韻

和劉伯裕見潯陽歌者戲贈之什

敬教堂詩鈔卷二

遼陽官文秀峯甫著

受業吉爾哈春校刊

端溪石硯 調寄臨江仙

端硯出肇慶府羚羊峽中肇慶古名端州溪號端溪故曰端硯

絕壁靈根生美石宋朝舊洞初開穿穴深擊亞

玉胎山川鍾秀氣天地產奇材 上品冰雲蕉

葉白青花魚腦稱魁朝霞溫潤色玫瑰價共現

敬教堂詩鈔 卷二

瑤竝形隨楮管陪

山居樂事

綠榕深處小池塘山作屏風竹作牆曲水石橋

明月夜青燈茆舍讀書堂晴雲滿樹春光好旭

日當門午晝長榮辱無關心自得早眠晏起不

知忙

粵中紀勝

五羊降楚庭仙石瑞通靈地濶東西北泉開日

月星 地勢南面皆海故濶東西北 野潮知朔望
泉各有九日月星其三者焉

和李湘生孝廉原韻

湘生駐防旗籍戊午科舉人善書真草隸篆尤精鐵筆喜寫蘭竹

積藏美玉蘊輝光誰謂天資品不香學富五車

三史貫材高八斗六書莊秋風桂蕊枝先放春

戰棘闈願未償豹向南山深處隱樽開瀟灑讀

書堂

敬教堂詩鈔 卷二

和湘生次作

羞向南邦佩虎符知交欣賞到山隅各韉利鎖

終非慧玉璞金渾豈是愚筆墨寄情詩放古經

綸無意語方迂勞君運用荆關法寫盡風塵伏

樞圖

閱何氏老人夫婦畫像謹題四律

生平遯世隱衡門居士當年遺澤存舊事追談

多故老新墳封建有曾孫北堂露冷寒三徑南

浦秋高月一痕畱得傳神真筆跡九宗和睦共
推尊

德齒兼優有是翁枝繁派衍賦斯螽品同金玉
丰姿健神向林泉點綴工杖履生春超世格蘋
蘩早薦大家風義仁兩字故鄉里綠水青山想
像中

當年舉案效齊眉賢淑聲名卜世垂鬢髮早霜
滋遠慮釵荆雖樸勝珍奇持家教豸躬勤儉教
敵教堂詩鈔卷二

子詩書法孝慈露冷北邙餘四德綠榕深處有
鄉祠

侃母芳名遠近知另開生面舊丰姿擬追鸞馭
歸來日先繪仙容未老時曉霧煙痕輕嬈嬈淒
風燭淚影遲遲欲瞻儀表圖猶在女範從來可
作師

答劉伯裕原韻

枯腸搜索不成詩未飲元劉墨半卮麗日晴窗

無箇事閒將筆墨遣懷時

昔年將相列雲臺戰馬曾教六合開此際昇平
人物盛膺封何必向南來

漫言氣味古人同擱筆多年句莫工李杜有知
當怒叱詞壇自愧馬牛風

清風滿袖首陽薇名利視如輕霧霏唯愿知心
三兩箇閒評詩字話斜暉

七字攢成自咏詩半杯酒曠勝千卮腹中無物
敵教堂詩鈔卷二

空懸想強學吟哦夜半時

生平不偶秘書臺又愧強弓力莫開本欲放懷
詩共酒自慙不是謫仙才

願陸煙雲自不同學來畫虎未能工祇因蠶效
斯文事惹得斯文笑下風

自古詩人對紫薇狂吟醉墨御香霏環肥燕瘦
差多少豈讓隔牆望夕暉

燕塘野望